

C.I.T.E.S. Agyartuiniq Angiruut

Hamna Angiruutauyut ukuningat Hilaryarmit Himmautikhaat uuminngat Nungutpallialirtut Uumayunit haffuminngat Huraat Nauhimayullu (C.I.T.E.S.) pilihaaqhimayut aulapkaigianganani pinahuarianganani agyartuigianganilu haffuminngat sainirtaahimayut nunaryuamit haffuminngat uumayut ihumagiavlutik nungutpallialirtut uuminngaluniit qayagivalliyukhat.

Una C.I.T.E.S. angiruut kiugiaqaqhuni tamainnut ilainnaat haffuminngat uumayut-ilaliutahimayut hanahimayut ilaliutait, agyartauhimagayuyut hilataani Kanatami. Hamna C.I.T.E.S. angiruutit piyukhautaavlutik agyarianganit hunalikiaq haffuminngat: ihuaqhiyahimayut nanup amingit, uumayut hanayauhimagayut tugaalik, qilalugaup hauningit hanaugait, atigi amaruq puhitalingnit niaquanit.

Hamannngat C.I.T.E.S. maligautiqaliquhutik ukuningat agyartuiniq haffuminngat uumayunit Kanatamit Nunavunmiunngittumik, ilaliutavlutik ukuningat C.I.T.E.S. angiruut, piyukhauvlutit uuminngat Uumayuliriniq Agyartuiniq Angiruut, uuminngaluniit Taryurmiuttat Huraat Agyartuiniq Laisikhaat.

Akiqanngittut haffuminngat C.I.T.E.S. Agyartuiniq Angiruut. C.I.T.E.S. Agyartuiniq Angiruut haffuminngat tingmiat unalu nunamiuttat huraat piyukhautaavlutik uvani Uumayuliriniq Havagviata Iqalunmi. Una Iqalukhiurnikkut Taryurmiuttat Pilirivik titiraqhimavagaat ukuningat C.I.T.E.S. angiruut haffuminngat Taryurmiuttat Huraanit.



Uumayuliriniit Agyartuiniq Angiruut

Haffuminngat piyukhautauyutit Uumayunit Agyartuiniq angiruut agyaqhiyumaguvit:

- Malikhimayait tuqutiruvit huraanit
- Aitturtauhimayutit niqiniit anguniartunut
- Malikhimayait niuviqhimaguvit niqiniit
- Tataniqihimannngitatit amiit uumayunillu amiit
- Tingmidjanit uluagullit
- Nagyuit, hauniit, kigutiit, uuminngaluniit quyaginnaq ilanganit huraanit

Uumayunit agyartuiniq angiruut piyaulaaqhutik haffuminngat nunaqatigiingmiuttat Uumayuliriniit tamainnut nunalingnit. Akiqanngittullu. Ihumagiakhatit hapkuat uumayunit ilaita agyaqhiinahuarnirungni ukuningat Uumayuliriniq Havagviata aturianiuruvit angiruutingmit. Una maligautikhaat kiugiaqaqhutik taamna angiruit ilaliutauqiaqaqhuni malikhimalugit naunaitkutaa-nit: uumayut ilaitalu agyartaunnaqqat, qaffiyut, anguniartum atia laisiata naambaalu, huqpani uumayut naniyahimayut. Hamna angiruut aturiaqanngittuq kihimi sainiqhimayukhauyut tigmummi-himayangit turaartaullitunilu aallanut inungnut.

Uvani ilaliutahimayut ukuningat Uumayuliriniq Agyartuiniq Angiruut, ilitaridjutaata kiugiaqaqhuni pinarumiuk quyaginnaq ilaita huraanit, hilataani Nunavunmi. Uumayut kiugiaqarnirumik ilitaridjutikhaanit, kihimi tuqutaugumik malikhimayangit aulattit-yangit haffuminngat laisiata, uuminngat: tingmidjat anguniartaugumik, akhait, nanuit, umingmaillu

Uumayut aturtauhimayut uvani hanahimayut ilaliutait kiugiaqa-nngittut uuminngat Uumayunit Agyartuiniq Angiruut. Una hanahimayut ilaliutait tukiqaqhuni uumayut upalungairtaahimayuyut haffuminngat: tatangiqhiniirnut, huraat hanayauhimagayut, atigakha-liurtauhimagayut, uuminngaluniit niuvirtinahuartangit. Kamiit, ihuaqhartauhimagayut uuminngaluniit amiit tatangiqhitaahimayangit, tukut nagyuit hanayauhimagayut tamaat adjikiighimayuyut kiugiaqanngittut uuminngat Uumayuliriniq Agyartuiniq Angiruut ahivartaugialik Nunavunmit. Kihiani hapkuat, hanayauhimagayut ilaliutait ilaliutahimayut taryurmiuttait huraat ilaita kiugiaqaqhutik haffuminngat Imarmiuttait Huraat Agyartuiniq Laisiata ahivarta-tinnagu Nunavunmit, unalu hanayauhimagayut ilaliutait ilaliutauqarumik nungutpallialirtut uuminngaluniit qayagiyautquiyut huraat uvani C.I.T.E.S. Agyartuiniq Angiruut ahinut hilataani Kanatami agyartaunnaqqat.

Una aallat laisikhaat pigiaqaqhuni agyartaugianganiit uumattartut uumayunit.



Taryurmiuttat Huraat Agyartuiniq Laisikhaat

Una kavamatuqait Taryurmiuttait Huradjaat Agyartuiniq Laisikhaat (MRTL) piyukhautaavlutik quyaginnaq tamainnut timianit imarmiuttat huraat ahinunngalirumik Nunavunmit. Hanayauhimagayut ilaliutait uuminngaluniit hanaugait ilagiinngit-tuuvlutik kiugialingnit.

Taryurmiuttat uumayut ilaliutaulaaqhutik:

- Nattiit
- Aiviit
- Qilalugait

*Nanuit ihumagiunngittut taryurmiuttait huraat ataanit Iqal-iqiniirnut maligaaq.

Piqarniruvit tuugaalik tuugaangit, una Taryurmiuttat Uumayunit Iltaridjutit piyukhautauyutit ilaliutihimalugit. Una ilitaridjutit naunayautaugami taamna tu-ugaak maligautitigut aulattitihimayavlutit taamaa ilaliutaunnginnartukhaq tuugaarmi qau tamaat. Una ilitaridjutit ilauqattatigiaqaqhuni tuugaalingnit aturtakhamik pinahuaruvit haffuminngat Taryurmiuttat Huraat Agyartuiniq Laisikhaat.

Una angiruut atulaittuni kihimi agyartuiginauvlutit Nunavunmit ahinut iluani Kanatami. Akiqanngittuq pigiaqanngialik haffuminngat Iqaliniirnut Taryurmiuttat Pilirivik uuminngaluniit haffuminngat Uumayuliriniq Piliriyi amihunit nunalingnit. Pidjarikhigianganiit taamaa takupkaigaaqatit una tryurmiuttat huraat timingit aturnahuarianganani haffuminngat MRTL.

Kingullirpaam agyartuivianut hilataani Kanatami, pigiaqatit kihimalugu ukuningat C.I.T.E.S. Agyartuiniq Angiruut ilainnaanit haffuminngat takugakhaq titiqqami.